



UNIVERSITÄTS-
BIBLIOTHEK
PADERBORN

Fasti Mariani

Brunner, Andreas

Antverpiæ, M.D.C XXX III.

B. Henricvs Syso C. 25. Ianuarii.

[urn:nbn:de:hbz:466:1-70962](https://nbn-resolving.org/urn:nbn:de:hbz:466:1-70962)

& Henricum Regem sanxit. Venenum non semel innoxius bibit, illis morientibus, qui miscuerant. Pastorem à lupo laniatum vitæ, & gregi reddidit: dæmonem ludicrâ alapâ fugavit. Moritur denique cilicio incumbens, terramque matrè pronò pectore deosculans. Mortuum sex dies odor mirissimus laudavit suavissimusque; tumularunt inter homines visi Angeli, sepulchrum verò ingentia miracula ornatunt. *Ex Surio.*

B. HENRICVS SVSO C.

25. Ianuarii.

HENRICVS SVSO Constantiæ in D. Dominici familiam adlectus simulque à IESV in adyta amoris inductus, IESV nomen pectori insculpsit ingeniosus cælator. Digitales erant literæ, quæque ad cordis motum, & ipsæ movebantur, ut cum hoc dudum conspissasse, idemque utrobique agi scires. Interea inter dolores deficientem alterum, & è cælo lapsum nomen IESV è cruce auro gemmisque rutilans recreavit. Et cur à Filio Mater abesset? **MARIAM** salutare ante solem gestiebat, tunc præsertim, cum idem facere Angelos audiisset, illis verbis, *stella MARIA maris hodie processit ad ortum*: quandoque etiam ad cantus illos focus admissus. Iam Kal. Ian. & Maij, quibus Suevia vel Xenii vel cantu certat, ille totos dies

dies IESVM & MARIAM sonare, flores Crucis dare, hanc osculis fatigare; ut post tot amores manifestus iterum IESVS HENRICI nomen in AMANDI mutarit, & MARIA (cujus solo nomine in fugam orcum dabat) humana nauseanti caelestem liquorē propinarit. Ceterum (mecum mirare) hucusque in primo gradu virtutis consistere AMANDVM suum Christus docuit, & Seraphinum alatum in cruce suā indutus docuit per adversa non ire, sed volare in cælum. Abhinc scortator, sacrorum fur, impostor, veneficus audiit, AMANDVS, ut succumbere potuisset, nisi IESVS & MARIA Angelique colloquiis suis identidem firmassent. His succollantibus in cælos evasit, anno M.CCC.LXV. qui sequi volunt, legant scandantque *Rupes*, quas scripsit. Ex *Ann. Ordin. Præd.*

S. POLYCARPVS EP. M.

26. Ianuarii.

Antistes Smyrnensibus POLYCARPVS à Divo Ioanne Apostolo datus est, eâ apud omnes fuisse auctoritate memoratur, ut subinde sperare ausi sint Iudæi, Christianos, misso Christo, POLYCARPVM secuturos. Libertate quam Christianâ in dicendo fuerit, argumento sit ejus cum Marcione hæretico congressus, qui cum ad conspectum suum